

I bi dr Snooze-Chönig
Dr Wecker-Baron
Während angeri ufstige
Wiene Wätterballon
Sägeni mir
"E Dechi isch öpis Guets"

I bi dr Ougering-Don
Dr Graf von Schlaf
Während angeri früsch rasiert
Wienes Frühligs-Schaf
Stahni nid uf
Aber dr Bart mir guet

U geng wenn i ds Radio aastell'
Ghöreni Lüt
Die sy aagstellt
Zum ufgstellt sy
U wenn i ds Radio abstell'
Wüus mir het abgestellt
Chani mi aastelle wieni wot
Es louft ja glich

Es louft ja glich
Eifach nur nid bi mir
Es louft ja glich

Dini Stimm verspricht so viel
Wie söll dr Tag das jemals häbe?
U immer wenn i blibe lige
Bini irgendwann verläge

Me seit
Dass Zit geng o Gäld isch
U we mir üs die Zit nähme
De tönnts so
Als würd me se stähle
Säg vo wäm?

U wenn i ds Radio aastell'
Ghöreni Lüt
Die sy aagstellt
Zum ufgstellt sy

U wenn i ds Radio abstell'
Wüus mir het abgestellt
Chani mi aastelle wieni wot
Es louft ja glich

Es louft ja glich
Eifach nur nid bi mir
Es louft ja glich

Es louft ja glich
Eifach nur nid bi mir

Es louft ja glich

Nur nid bi mir
U für ei Momänt
Ischs plötzlech still
Dusse loufts ja glich
Es louft ja glich

Es louft ja glich
Eifach nur nid bi mir
Es louft ja glich

Es louft ja glich
Eifach nur nid bi mir
Es louft ja glich